

我來問石石無語塊然常存自今古石脚斜插浸江波
石面橫欹任風雨

望南嶽

半壁星辰沒中流見衆峰杯傾七澤小兒立九疑恭象
緯山腰殿龍廻水面鐘遙遙青可摘春雨沐芙蓉

逢僧話南嶽

南嶽孤僧楚地逢自言曾住最高峰日明海底當牕見
雲起山腰入座封春煖有田皆種玉風聲無樹不成龍
津梁問得資梁具布襪青鞵定過從

野步

征橈暫忌蹋晴沙破寺橫橋竹逕賒小港新潮四五尺
菜田茅屋兩三家有情芳草裙腰綻無礙江雲衣帶斜
獨立峰頭意惆悵山風吹落野棠花

宿田家偶有避也墟里依然而巷無居人修竹映
籬繁花垂屋掘笋煮椿欣然一飽

空堂歇馬坐斜曛籬落鷄聲偶一聞閃閃山花覆屋暗
琤琤澗水向田分掘泥桂筍燒青玉帶露春苗煮綠雲
飽飯獨行慙熱客隔林車騎太紛紜

鴻叟招泛愚溪適江漲初落山花如洗涉溪而東

至鉅鉚潭捫鐫石緣蘿壁上謁柳侯祠祠荒未
葺莽草豐碑昌黎荔子迎神曲東坡書石猶在
文半落矣日斜飲大定菴佛鼓杆燈醒人耳目